

### ጳውሎሲ ኤፌሶና አሳስ ፃፊ ዘታ ጋላ ቆፋ

ጳውሎሲ ኤፌሶናን ደዲያ አሳስ ፃፊ ዘታን ኡባሬ አሲዲ ሂሊዳባይ፣ «ዎዴ ጋኪያ ዎዴ ያሳይ ፖላናው ቆፒዳ ቆፋይ፣ ሳሎኒኔ ሳፃን ደዲያ ሜዴቴላ ኡባይ ኪሪስቶሳፕ ጋርሳን ጊዳና ሜላሳ» ያጊያ ቆፋ (1:10)። ሄሳ ቦላ ጉጂዲ ዮሱስ ኪሪስቶሳራ ደዲያ ኢሲፌቴላን፣ አሳ ዜሬሲ ኡባይ ኢሲኖ ጊዳና ሜላ ሃ ጊታ ቆፋ አሶን ፔሻና ሜላ ያሳ አሳ ሃሳዬሴስ።

ኤፌሶና ኪታ ኮይሮ ኪፊሊያን ፃፊ ካራ ቆፋ ጊዲዳ ኢሲፌቴላባ ፃፋናው ዶሚዳይሳ ዳልጊሲዲ፣ ያሳ አዋይ ባ አሳ ዋቲ ዶሪዳኮ፣ ኤንቲካ ኢያ ናፃ፣ ዮሱስ ኪሪስቶሳን ባንታ ናጋራፕ ማሮታ ዶሚዲ ዋኒዲ ሳፃ ኬዩዳኮኔ፣ ያሳ ጊታ ኡፋይሳ ቃላይ ጌሻ አያና ባጋራ ቱማ ጊዴይሲ ኤሬቲዳኮ ኦዴስ። ናምፃንሶ ኪፊሊያን ቃሲ ፃፊ ሃ ኪታ ናባቢያ አሳይ ባንታ ኢሲፌቴላ ዴፀዋን ኪሪስቶሳን ኤንታው ደዲያ ኢሲፌቴላይ ቱማ ጊዳና ሜላ ኤንቲ ዋኒዲ ዳናው ቤሲያኮ ቆፊሴስ።

አሳይ ኪሪስቶሳን ደዲያ ኢሲፌቴላ ዋኒዲ ዳናው ቤሲያኮ ዱማ ዱማ ሌሚሶን ቆንጨስ። ዎሳ ኬሲ አሳቴላ ሌሚሶ ጊዲያ ዎዴ ኪሪስቶሲ ሄ አሳቴላስ ሁዔ። ዎሳ ኬሲ ጊምቤ ኬላን ሌሚሴቲያ ዎዴ ኪሪስቶሲ ሄ ኬላ ጎዳ ፃጶዋ ሚንሲያ ዋና ሹቻ። ዎሳ ኬሲ ማቺን ሌሚሴቲያ ዎዴ ኪሪስቶሲ አዚናን ሌሚሴቲስ። ፃፊይ ኪሪስቶሳ ባጋራ ቆንጨዳ ያሳ አዶ ኬሃቴላ ዳሮ ናሺዲ አዲሼ፣ ጊዶይ ጨዋቲያ ሃሳያ ሃሳዬስ። ኢ ኡባባ፣ ኪሪስቶሳ ሲቁዋ፣ ኢያ ያርሼቴላ፣ ኢ ኢሚዳ ናጋራ አቶቴላ፣ ኢያ አዶ ኬሃቴላኔ ኢያ ጌሻቴላ ባጋራ ዩሴስ።

ኤፌሶና ኪታ አይፌ ቆፋታ

ሳሮሶ 1:1-2

ኪሪስቶሳኔ ዎሳ ኬሲ 1:3-3:21

ኪሪስቶሳን ደዲያ አራሳ ዴፀዋ 4:1-6:20

ኩሻ ቆፋ 6:21-24

<sup>1</sup> ያሳ ሼኔን ኪሪስቶስ ዮሱሳ ሃዋሬ ጊዲዳ ጳውሎሳፕ፣ ኤፌሶናን ደዲያ ጌሻታሲኔ ኪሪስቶስ ዮሱሳ አማኔይሳታስ ፃፊቲዳ ኪታ።

2 ሦላ ኑ አዋፔኔ ጎዳ ዩሱስ ኪሪስቶሳፔ አጅ ኬሃቴሳይኔ ሳርቴሳይ ሂንቴው ጊዶ።

**ኪሪስቶሳን ዴሲያ አያና አንጁዋ**

3 ሳሎን ዴሲያ አያና አንጁ ኡባን ኪሪስቶሳ ባጋራ ኑና አንጁዳ፥ ኑ ጎዳ ዩሱስ ኪሪስቶሳ አዋይ፥ ሦሳይ ጋላቴቶ። 4 ኑኒ ኢያ ሲንሳን ጌሻታኔ ቦሬይ ባይናይሳታ ጊዳና ሜላ ሦሳይ አላሜይ ሜዴታናፔ ካሴ ኪሪስቶሳ ባጋራ ባ ሲቁዋን ኑና ዶሪስ። 5 ሦሳይ ባ ሼኒያን ባ ዶሲዳይሳዳ ዩሱስ ኪሪስቶሳ ባጋራ ኑና ባ ናይታ አሳናው ካሴቴዲ ቆፒ ዎሲስ። 6 ሦሳይ ባ ሲቂያ ናዓ ባጋራ ኑስ ጮ ኢሚዳ አጅ ኬሃቴሳይ ቦንቹታና ሜላ ሄሳ አሲስ።

7 ሦሳ አጅ ኬሃቴሳ ዱሬቴሳዳ ኪሪስቶሳ ሱሳን ዎዜቴዲ ናጋራ አቶቴሳ ዴሚዳ። 8 ባ አጅ ኬሃቴሳ ጨንጫቴሳኒኔ ኤራቴሳን ኩንሲዲ ኑስ ኢሚስ። 9 ሦሳይ ባ ዶሲዳይሳዳ ኪሪስቶሳ ባጋራ ኢያ ሼኒያ ፁራ ኑ ኤራና ሜላ አሲስ። 10 ዎዴይ ጋኪያ ዎዴ ሦሳይ ፖላናው ቆፒዳ ቆፋይ፥ ሳሎኒኔ ሳዓን ዴሲያ ሜዴቴሳ አባይ ኪሪስቶሳፔ ጋርሳን ጊዳና ሜላሳ።

11 ኡባባ ባ ሼኒያዳ አሲያ ሦሳይ፥ ካሴቴዲ ባ ቆፒ ዎሲዳይሳዳ ኪሪስቶሳ ባጋራ ኑኒ ኢያባ ጊዳና ሜላ ኑና ዶሪስ። 12 ሄሳ ኢ አሲዳይ፥ ኪሪስቶሳን ኡፋይሲ ዎሲዲ ናጎን ኮይሮ ጊዲዳ ኑኒ ሦሳ ቦንቹዋ ጋላታን ቆንጨሳና ሜላሳ። 13 ሂንቴካ ሂንቴ አቶቴሳ ዎንጌላ፥ ሄሲካ ቱማ ቃላ ሲዲዳ ዎዴ ኪሪስቶሳ አማኒዴታ። ሦሳይ ሂንቴው ኢማና ጊዳ ጌሻ አያናን ሂንቴ አታሜቴዴታ። 14 ሦሳ ቦንቹይ ጋላቴታና ሜላ ሦሳይ ባ አሳ ዎዛና ጋካናው ጌሻ አያና ኑስ አይሉ አሲዲ ኢሚስ።

**ጳውሎሳ ዎሳ**

15 ሄሳ ጊሾ፥ ጎዳ ዩሱሳ ሂንቴ አማኔይሳኔ ጌሻታ ኡባ ሂንቴ ሲቂይሳ ታ ሲዲዳ ዎዴ 16 ታ ዎሳን ሂንቴና ቆፓሼ ሂንቴ ጊሾ ሦሳ ጋላቴይሳ አጋቢኪ። 17 ጎዳ ዩሱስ ኪሪስቶሳ ሦሳይ፥ ቦንቾ አዋይ፥ ሦሳ ሂንቴ አሲ ኤራናዳ ጨንጫቴሳኔ ቆንጨሳ አያና ሂንቴው ኢማናዳ ታኒ ሦሳ ዎሳይስ። 18 ሦሳይ ሂንቴና ዩጊዳ ኡፋይሳይኔ ጌሻቴ ላቴያ ቦንቾ ላታይ አይ ሜላ ዳሮኮ ሂንቴ ኤራና ሜላ ሦሳይ ሂንቴ ዎዛና አይፊያ ዶያና ሜላ ታኒ ሦሳ ዎሳይስ።

19 ቃሲ ኢያ አማኒያ ኑናን አሲያ ኢያ ዎልቃይ አይ ሜላ አጲዳ ጊቴኮ ሂንቴ ኤራና ሜላ ዎሳይስ። ሄ ዎልቃይ ዶኔቶናኔ ዳቡሮና ዎልቃ። ሃ ኑናን ዴሲዲ አሲያ ዎልቃይ፥ 20 ኪሪስቶሳ ሃይቆፔ ዴንሲዲ፥ ሳሎን ሦሳሬ ኡሻቻ ባጋራ ኡቴሲዳ ጊታ ዎልቃይ

ኢሲኖ። <sup>21</sup> ኢያ ሱንሳይ፣ አይሴይሳታፔኔ ማታ አዋታፔ፣ ሃሬይሳታፔኔ ጎዳታፔ፣ ቦሳ ጊዲዲ ሃ አላሚያ ፃላሳን ጊዶናሺን ሲንሳፌ ያና አላሚያንካ ሃራ ሱንሳታ ኡባፌ ጰቃ። <sup>22</sup> ያሳይ ኡባ ኪሪስቶሳ ቶሁዋፔ ጋርሳን ሃሪሲስ፤ ቃሲ ዎሳ ኬሳን ኡባባን ጎዳ ጊዳና ሜላ ኢያ ሹሚስ። <sup>23</sup> ዎሳ ኬሳይ ኪሪስቶሳ ኩሜሲ አሲያ ኢያ አሳቴሳ። ሜዴቴሳይ ዴዲያ ቤሳ ኡባን ኪሪስቶሲ ባ ሁዔን ኡባባ ኩንሴይሳ።

## 2

### ኪሪስቶሳን ሃይቆፔ ዴያ ፒኔሳ

<sup>1</sup> ሃይሳፌ ካሴ ሂንቴ፣ ሂንቴ ናጋራኔ ሂንቴ ቆሁዋ ጋሶን ሃይቂዳይሳታ። <sup>2</sup> ሄ ዎዴ ሂንቴ ሃ አላሚያ ኢታ አጊያ ካሊዴታ። ጫርኩዋ ቦላ ዴዲያ አያና ዎልቃታ ሃላቃሲኔ ሃዲካ ያሳስ ኪቴቶና አሳ ሃሪያ አያናስ ኪቴቲዴታ። <sup>3</sup> ኑ ኡባይካ ካሴ ሄ አሳታ ጊዶን ኑ አሾ አሙዋኔ ኑ ዎዛና ሹኒያ ካሊዲ ዴዲዳ። ኑካ ሃራታ ሜላ ኑ ሜዴቴሳን ያሳ ሃንቁዋ ኤካናው ዴዴይሳታ።

<sup>4</sup> ሺን ያሳ ጊታ ማርቴሳፌኔ ኑስ ዴዲያ ጊታ ሲቁዋፔ ዴንዲዳይሳን፣ <sup>5</sup> ሃሪ አቶሺን ኑኒ ኑ ቆሁዋን ሃይቂዲ ዴዲሺን ኪሪስቶሳ ባጋራ ኑስ ዴያ ኢሚስ። ሂንቴካ አቲዳይ ያሳ አጰ ኬሃቴሳና። <sup>6</sup> ያሳይ ኑና ኪሪስቶሳራ ኢሲፌ ሃይቆፔ ዴንሴዲ ሳሎ ሶሁዋን ኢያራ ኢሲፌ ዎሲስ። <sup>7</sup> ኢ ሄሳ አሲዳይ፣ ኪሪስቶስ ዩሱሳ ባጋራ ኑስ ቆንጨሲዳ ባ ኬሃቴሳኔ ዛዊ ባይና ባ አጰ ኬሃቴሳ ዱሬቴሳ ያና ሳይሳን ኑና ቤሳናሳ። <sup>8</sup> ሂንቴ አጰ ኬሃቴሳን አማኖን አቲዴታ። ሄሲካ፣ ያሳ ኢዋታፔ አቲን ሂንቴ አሶን ቤንቲዳባ ጊዴና። <sup>9</sup> አኒካ ጩቁቶና ሜላ አቶቴሳይ ቤንቲዳይ አሶን ጊዴና። <sup>10</sup> ኑኒ ያሳ ሜዴቴሳ፤ ኢ ኑስ ካሴቲዲ ጊጊሲ ዎሲዳ ሎዎ አሶታ አሳና ሜላ ኪሪስቶስ ዩሱሳ ባጋራ አራሲ ሜዴቴዳ።

### ኪሪስቶሳራ ዴዲያ ኢሲፌቴሳ

<sup>11</sup> ሄሳ ጊሾ፣ ሂንቴኖ ዩሌታን አይሁዴ ጊዶናይሳቶ፣ አይሁዴቲ ባንታው አሳ ኩሺን ቃፃሬቲዲ፣ ሂንቴና ቃሲ ቃፃሬቲቦናይሳታ ጊዲ ዩጌይሳ አኬኪቴ። <sup>12</sup> ሄ ዎዴ ሂንቴ ኪሪስቶሳፔ ሻኬቲ ዴዲዳይሳ፣ ኢስራዔሌ አሳስ አላጋ ጊዲዲ ዴዲዳይሳ፣ ያሳ ኡፋይሳ ቃላፔ ሃኪዲ ዴዲዳይሳኔ ሃ አላሚያን ኡፋይሲኔ ያሲ ባይና ዴዲዳይሳ አኬኪቴ። <sup>13</sup> ሺን ሂንቴ ካሴ ሃኪዲ ዴዲዳይሳቲ፣ ሃዲ ኪሪስቶስ ዩሱሳን ዴዲዲ ኪሪስቶሳ ሱሳን ማታ ሺቂዴታ።

14 ኪሪስቶስ ኑ ሳርቴሳ፤ ኢ አይሁዶኔ አይሁዶ ጊዶና አሳ ቲሚዲ፥ ናምዓ ሻኪ ዎሲዳ ሞርኬቴሳ ጎዳ ላሊስ። 15 ኢ ባናን ሃ ናምዑ ዛሬታፕ ኢሲ ኦራሳ አሴ ሜዲዲ፥ ሂጊያ ኢያ ኪታራኔ ዎጋታራ ኢሲፌ ባ አሳቴሳን ዳይሲዲ ሳርቴሲ ኢሚስ።

16 ኪሪስቶስ ማስቃሊያ ቦላ ሃይቂዲ ሞርኬቴሳ ዳይሲስ፤ ቃሲ ናምዑ ዛሬታ ኢሲ አሳቴሲ ኦሲዲ ያሳራ ሲጌሲስ። 17 ኪሪስቶሲ ዩዲ፥ ያሳፌ ሃኪዲ ዴዲያ ሂንቴው፥ ቃሲ ማቲዲ ዴዲያ ኤንታው ሳርቴሳ ዎንጌላ ኦዲስ። 18 ኑ ኡባይ ኢያ ባጋራ ኢሲ አያናን አዎ ሲንሴ ሺቃናው ዳንዳዎስ።

19 ሂዛፕ ሂንቴ አላጋ ዎይኮ ኢማሴ ጊዴኬታ፥ ሺን ሂንቴ ሃዲ ጌሻታ ቢታ አሲኔ ያሳ ሶ አሲ። 20 ሂንቴ ሃዋሬቲኔ ናቤቲ ባሲዳ ባሱዋ ቦላ ኬዬቲዴታ፥ ጎዳ ሃጺዋ ሚንሴያ ሹቻይ ኪሪስቶስ ዩሱሳ። 21 ኢያን ኬሳ ኡባይ ኢሲፌ አይኬቲዲ ጎዳን ጌሻ ያሳ ኬሳ ጊዳናው ዲጩስ። 22 ሂንቴ ቃሲ ያሳይ ባ አያናን ዴዲያ ኬሳ ጊዳናው ኪሪስቶሳን ኢሲፌ ኬዬቲታ።

### 3

#### አይሁዶ ጊዶና አሳስ ሃዋሬ ጊዲዳ ጳጳሱሳ

1 ሄሳ ጊሾ፥ ታኒ፥ ጳጳሱሲ፥ አይሁዶ ጊዶና ሂንቴ ጊሾ ኪሪስቶስ ዩሱሳን ቃሾ አሲ ጊዳስ። 2 ታ ሂንቴና ማዳና ሜላ ያሳይ ባ አዶ ኬሃቴሳን ታው ኢሚዳ ሃ አሱዋባ ሂንቴ ሎይሲ ሲዲ ዴታ። 3 ታ ሂንቴው ካሴ ቃንሳን ሃፊዳይሳዳ ያሳይ ባ ፁራ ቆንጩሳን ታው ቆንጩሲስ። 4 ታ ሃፊዳይሳ ሂንቴ ናባቢያ ዎዴ ኪሪስቶሳ ፁራ ታ አይ ሜላ ኤሪዳኮ ሂንቴ አኬካናው ዳንዳዬታ። 5 ሃ ፁራይ ጌሻ ሃዋሬታሲኔ ናቤታስ ሃዲ አያና ባጋራ ቆንጩዳይሳዳ ቤኒ ዎዴ አሳስ ሄሳዳ ቆንጩሲቤና። 6 ፁራይ ሃይሳ፥ አይሁዶ ጊዶና አሳይ ዎንጌላ ባጋራ ኢስራዬታራ ኢሲፌ ያሳ አንጁዋ ላቶሶና፥ ኢስራዬታራ ኢሲ ኬሳ አሲ ጊዶሶና፤ ኪሪስቶስ ዩሱሳ ባጋራ ያሳ ኡፋይሳ ቃላ ኤኮሶና።

7 ያሳይ ባ አሲያ ዎልቃ ባጋራ ታው ኢሚዳ አዶ ኬሃቴሳን ሃ ዎንጌላስ አሳንቾ ጊዳስ። 8 ታኒ ጌሻታ ኡባፌ ላፋ ጊዲኮካ አይሁዶ ጊዶና አሳስ ዛዊ ባይና ኪሪስቶሳ ዱሬቴሳ ዎንጌላ አዳና ሜላ ሃ አዶ ኬሃቴሳይ ታው ኢሜቲስ። 9 ቃሲ ካሴ ዎዲያን ኡባ ሜዲዳ ያሳን ቆሴቲዲ ዴዲያ ፁራስ፥ ያሳ ቆፋይ አይቤኮ ቆንጩሳናው አዶ ኬሃቴሳይ ታው ኢሜቲስ። 10 ያሳይ ሄሳ አሲዳይ ሃዲ ዎዲያን ዎሳ ኬሳ ባጋራ ሳሎ ሶሁዋን ዴዲያ ሃላቃታሲኔ ሃሬይሳታስ ባ ዶማ

2:15 ቆላ 2:14      2:16 ቆላ 1:20      2:17 ኢሳ 57:19      3:4 ቆላ 1:26-27

ዱማ ቆንጩላ ኤሪሳናሳ። 11 ሦሳይ ባ ሜሪና ቆፋ ኑ ጎዳ ኪሪስቶስ ዩሱሳ ባጋራ ፖላናው ሄሳ አሲስ። 12 ኑ አማኖን ያሺ ባይና ሦሳኮ ሺቃና ሜላ ኪሪስቶሲ ኑስ ሚኖቴሲኔ ላጎቴሲ ኢሚስ።

13 ታኒ ሂንቴ ጊሾ ዋዬ ኤኪያ ጊሾ ሂንቴ ታ ዋያን ዩላቶናዳ ሂንቴና ምሳይስ፤ ታኒ ሂንቴ ቦንቹዋስ ዋዬታይስ።

**ኤፌሶና አሳስ ምሴቲዳ ምሳ**

14 ታኒ አዋ ሲንሳን ጉልባታዳ ምሴይ ሄሳ ጊሾሳ። 15 ሳሎኒኔ ሳግን ዴዲያ ኢሲ ኢሲ ሶ አሳይ ኢያን ሱንፎቴስ። 16 ሦሳይ ባ ቦንቾ ዱሬቴሳፌ ሂንቴ ጋርሳ አሳቴሳ ሚንሲያ ምልቃ ባ አያና ባጋራ ኢማና ሜላ ሂንቴው ምሳይስ። 17 ቃሲ አማኖን ኪሪስቶሲ ሂንቴ ምዛናን ዳና ሜላኔ ሂንቴ ሲቆን ገጾ ዩዲዲ ሚኒዲ ዳና ሜላ ምሳይስ። 18 ሄሳዳካ፣ ኪሪስቶሳ ሲቆይ አይ ሜላ ዳልጌኮ፣ አዱሴኮ፣ ጵቁኮኔ ጨዋኮ ጊሻታ ኡባራ ኤሪያ ምልቃ ሂንቴ አኬካና ሜላ ምሳይስ። 19 ኤራቴሳፌ አዲያ ኪሪስቶሳ ሲቁዋ ሂንቴ ኤራና ሜላ ቃሲ ዴያ ኢሚያ ሦሳ ምልቃን ሂንቴ ኩማና ሜላ ታ ምሳይስ።

20 ሂዛ፣ ኑ ጊዶን አሲያ ባ ምልቃ ባጋራ ኑኒ ምሴይሳፌ ምይኮ ቆፕይሳፌ አሲዲ አሳናው ዳንዳዲያ ሦሳስ። 21 ምሳ ኬሳኒኔ ኪሪስቶስ ዩሱሳን ምዴ ኡባን ሜሪናፕ ሜሪና ጋካናው ቦንቾይ ጊዶ። አሚንዒ።

4

**ኪሪስቶሳራ ዴዲያ ኢሲፌቴሳ**

1 ሂዛ፣ ጎዳ ጊሾ ቃሺቴዳ ታኒ፣ ሂንቴ ዩጌቲዳ ዩሳስ ቤሲያ ዴያ ዳና ሜላ ሂንቴና ምሳይስ። 2 ሂንቴ ኡባ ምዴ አዳኔ ሃዮ ጊዲቴ፤ ኢሶይ ኢሱዋ ዳንዳዲቴኔ ሲቆን ዴዲቴ። 3 ሳርቴሳን ቃሺቴዲ አያናይ ኢሚያ ኢሲፌቴሳ ናጋናው ሚኒቴ። 4 ሦሳይ ሂንቴና ዩጊዳ ምዴ ኢሲ ኡፋይሳስ ዩጊዳይሳዳ ኢሲ አሳቴሲኔ ኢሲ አያኒ ዴዴስ። 5 ኢሲ ጎዳይ፣ ኢሲ አማኖይኔ ኢሲ ዩንቃቴይ ዴዴስ። 6 ኡባፌ ቦሳ ጊዲዳ፣ ኡባ ባጋራ አሲያኔ ኡባ ጊዶን ዴዲያ ኢሲ ሦሳይ፣ ኡባ አዋይ ዴዴስ።

7 ሺን ኪሪስቶሲ ኢማናው ኮዩዳይሳዳ ኑ ኢሶይ ኢሶይ ዱማ ዱማ ኢዋታ ኤኪዳ። 8 ሄሳ ጊሾ፣ ሦሳ ቃላይ፣

«ኢ ፑዴ ኬዩዳ ምዴ  
ዲዔቲዳ ዳርታ ባራ ኤኪዲ ቢስ፤  
አሳስካ ኢዋታ ኢሚስ»

ያገባህ።<sup>9</sup> ያቲን፤ «ፑዴ ከዩስ» ጉሳይ ዎይ ጉሴ? ኢ ኮይሮ ዱጌ፤ ሳሳ ዜቃ ቤሳ ዎዲስ ጉሱ ጊዶና ኢጊኮ አይ ጉሴ? <sup>10</sup> ሃ ዱጌ ዎዲዳይሲ፤ ኡባ ቤሳን ቤንታናው ኡባፌ ዶቃ ሳሉዋ ከዩዳይሲ ኢያ።

<sup>11</sup> ኢ ኢሶታ ኢሶታ ሃዋሬታ፤ ኢሶታ ኢሶታ ናቤታ፤ ኢሶታ ኢሶታ ዎንጌላ ሳባኬታ፤ ኢሶታ ኢሶታ ዎሳ ኬሲ ሄሜይሳታ፤ ኢሶታ ኢሶታ አስታማሬታ አሲዲ ኢሚስ። <sup>12</sup> ኢ ሄሳ አሲዳይ ኪሪስቶሳ አሳቴሲ ጊዲዳ ዎሳ ኬሲ ዲቻናውኔ አማኒያ አሳ ዎሳ አሶስ ጊጊሳናሳ። <sup>13</sup> ሄሳዳካ፤ ኑ ኡባይ ዎሳ ናሳ ኤሪዲ አማኖን ቤንቲያ ኢሲፌቴሳኮ ጋኪዲ፤ ኪሪስቶሳ አያና ዴዑዋ ኩሜሳ ጋኪዲ ዲጫና ሜላሳ።

<sup>14</sup> ሂዛፕ ጉዩ፤ አሳ ጌኔ ጨዋን ጊጊዳ ባሌሲያ ዎርዶ ቲሚርቲ ጫርኮኒኔ ሆቤን ጊዴኔ ሃ ኩሎ ካዲያ ናይታ ሜላ ጊዳናው ቤሴና። <sup>15</sup> ሺን ኑኒ ቱማ ሲቆን ኦዲሼ አሳቴሳስ ሁዔ ጊዲያ ኪሪስቶሳራ ዴዲያ ኢሲፌቴሳ ጉጂ ጉጂ ዲቻስ። <sup>16</sup> ኩሜሳ አሳቴሳይ ኪሪስቶሳ ቦላ ዜምፔስ ቃሲ ዱማ ዱማ አሳቴሳ ቢሊቴቲ ኢሶይ ኢሱዋራ አይኬቲዲ ኡቲስ። ኢሲ ኢሲ አሳቴሳ ኪፊሌይ ባ አሱዋ አሲያ ዎዴ ኩሜሳ አሳቴሳይ ሲቆን ዲጩስ።

**ኪሪስቶሳን አራሳ ዴዎ**

<sup>17</sup> ሄሳ ጊሾ፤ ታኒ ሃይሳ ሂንቴው ጎዳ ሱንሳን ኦዳይሲኔ ማርካታይስ። ጎዲ ባይና ቆፋ ቆፒያ አይሁዴ ጊዶና አሳታዳ ዴዎፒቴ። <sup>18</sup> ኤንታ ቆፋይ ዳሚስ፤ ባንታ ዎዛና ሙሚሲዶሶና። ኤንቲ ኤራቴሳ ዳዮኒኔ ኢፃስ ጊዲ ዎሳይ ኢሚያ ዴዑዋፕ ሃኪዶሶና። <sup>19</sup> ኤንቲ ዩላ ጊያባ ኤሮኮና፤ ኤንቲ ሳይማቴሳስ ባንታና አሲ ኢሚዶሶና፤ ቃሲ ቱናባ ኡባ ጉዩ ጎና አሶሶና።

<sup>20</sup> ሺን ሂንቴ ኪሪስቶሳ ኤሪዳይ ሄሳ ሜላ አጌን ጊዴና። <sup>21</sup> ኢያባ ቱማ ሲዲዴታ። ቃሲ ዩሱሳን ዴዲያ ቱማ ሜላ ኢያፕ ታማሪዴታ። <sup>22</sup> ሂንቴ ካሴ ዴዲያ ዴዎ አጌያ አጌቴ። ቃሲ ባ ጨሚያ አዋን ዳያ ሂንቴ ጩጋ አሳቴሳ ዲጊቴ። <sup>23</sup> ሂንቴ ዎዛና ቆፋን አራባቴ። <sup>24</sup> ቱማ ጊሎቴሳኒኔ ጌሻቴሳን ዎሳ ሌሚሶን ሜዴቲዳ አራሳ አሳቴሳ ማዒቴ።

<sup>25</sup> ሂዛ፤ ዎርዶ አዴቶፊቴ። ኑኒ ኡባይ ኪሪስቶሳ አሳቴሳ ቢሊቴታ ጊዲያ ጊሾ አሳ ኡባራ ቱማ አዴቲቴ። <sup>26</sup> ሃንቁቲቴ፤ ሺን ሂንቴ ሃንቁዋን ናጋራ አሶፊቴ። ሂንቴ ሃንቁቲ ዴዲሺን አዋ ዉሎፎ። <sup>27</sup> ዓላሄስ ቤሴ ኢዋፊቴ። <sup>28</sup> ካይሲያ ኡራይ ሂዛፕ ጉዩ

4:8 ማዝ 68:18      4:16 ቆላ 2:19      4:22 ቆላ 3:9      4:24 ሜዴ 1:26፤  
ቆላ 3:10      4:25 ዛካ 8:16      4:26 ማዝ 4:4

ካይሶቶ። ሺን ማንቆታ ማዲያባይ ኢያው ዳና ሜላ ባ ኩሼን ሎዎባ አሶ።

29 ሂንቴ ዶናፔ ኢታ ቃሊ ኬዮፓ። ሺን ሲዔይሳታ ጎዳና ሜላኔ ሃራታ ሚንሴሴያ ኮሺያ ሎዎ ቃሊ ሂንቴ ዶናፔ ኬዮ።

30 ዎሳይ ሂንቴና ዎዚያ ጋላሳስ ሂንቴና አታሚዲ ዎሲዳ ዎሳ አያና አዛንሶፊቴ። 31 ጫሜቴሲ፣ ዩሎ፣ ሃንቆ፣ ዋሶ፣ ጫሼኔ ኢታ ኡባ ሂንቴፌ ሃሲቴ።

32 አሲዲ ኢሶይ ኢሱዋስ ኬሃኔ ቃዴቴይሳታ ጊዲቴ። ዎሳይ ኪሪስቶሳ ባጋራ ሂንቴው አቶ ጊዳይሳዳ ሂንቴካ ዎሊስ አቶ ጊቴ።

5

1 ሂዛ፣ ዎሳይ ዶሲያ ናይታዳ ኢያ ዳኒቴ። 2 ኪሪስቶሲ ኑና ዶሲዲ ባና ኑ ጊሾ ዎሳስ ሳዊያ ኢሞኔ ያርሾ አሲዲ ኢሚዳይሳዳ ሂንቴካ ሲቆን ዴዲቴ።

3 ሺን ላይማቴሲ፣ ቴናቴሲኔ ኡዜቴሲ አማኒያ አሳስ ቤሶና ጊሾ ሂንቴ ጊዶን ኡባራካ ሲዔቶፎ። 4 ዎሳ ጋላቲቴፔ አቲን ዩላያባይኔ ኤያ አዲ ዎይኮ ቂዴይ ሂንቴው ቤሶና ጊሾ ሂንቴ ጊዶን ኡባካ ዴዎፓ። 5 ሃይሳ ኤሪቴ፣ አኒካ ላይማቴይ ዎይኮ ቴናባ አሲይ ዎይኮ ኡዜቴይ ኪሪስቶሳ ካዎቴሳኔ ዎሳ ካዎቴሳ ላታናው ዳንዳዔና። ኡዜቴሲ ኤቃ ጎይኖ ሜላ።

6 ሃይሳታ ጋሶን ዎሳ ሃንቆይ ኪቴቶና አሳ ቦላ ያና ጊሾ አኒካ ሂንቴና ፓሶና ኦዳን ጨሞፎ። 7 ሄሳ ሜላ አሳራ ኢሲፌቴሲ አሶፊቴ። 8 ካሴ ሂንቴ ዱማን ዴዲዴታ፣ ሺን ሃዲ ጎዳ ባጋራ ፖዎን ዴዴታ። ሂዛ፣ ፖዎ አሳዳ ፖዎን ሲሜሬቴቴ። 9 ፖዎይ ሎዎቴሲ፣ ሂሎቴሲኔ ቴማቴሲ አይፌስ።

10 ጎዳ ኡፋይሲያባ አሳናው ኮዩቴ። 11 ጎዲ ባይና ዱማ አሶ ቆንጨሲቴፔ አቲን ኢያራ ኢሲፎፒቴ። 12 ኤንቲ ጌማን አሲያ አሱዋ ሃሪ አቶሺን ኦዳናውካ ዩላዩስ። 13 ሺን ኡባባይ ፖዎን ኬያ ዎዴ ቆንጨን ቤንቴስ። 14 ፖዎይ ኡባባ ቆንጨን ቤስስ። ሄሳ ጊሾ፣

«ኔኖ ዲስኬይሶ ባርካ፤ ሃይቆፔ ዴንዳ፤

ኪሪስቶሲ ኔ ቦላ ፖዳና» ያጌቲስ።

15 ሂዛ፣ ሂንቴ ዋኒዲ ዴዲያኮ አኬኪ ቤዲቴ። ጨንጫታ ጊዲቴፔ አቲን ኤያታ ጊዶፒቴ። 16 ላይሳይ ኢታ ጊዲያ ጊሾ

ኢንጂቲያ ወይ ድባ ጎሜቲቱ። 17 ሄሳ ጊሾ፥ ጎዳ ሽኔይ አይቤኮ አኬኪቴ፤ አቲን ኤዮፒቴ።

18 ጌሻ አያናን ጋላስ ጋላስ ኩሚቴ፤ አቲን ጳዮኮ ሂንቴና ካሌሲያ ጊሾ ወይ ኡሻን ማሶቶሬቴ። 19 ማዘሙሬን፥ ሳባኒኔ አያና ዩላን፥ ኢሶይ ኢሱዋራ አዴቲቴ። ቃሲ ሂንቴ ወዛናን ዛማሪሽኔ ሳቢሽ ጎዳ ጋላቲቴ። 20 ኑ ጎዳ ዩሱስ ኪሪስቶሳ ሱንላን ኡባ ወይ ያሳ አዋ ኡባባስ ጋላቲቴ።

21 ኪሪስቶሳ ቦንቹዋስ ጊዲ ኢሶይ ኢሱዋስ ሃሬቲቴ።

**አዚናባኔ ማቺባ**

22 ማቹቶ፥ ጎዳስ ሃሬቴይሳዳ ሂንቴ አዚናታስ ሃሬቲቴ።

23 ኪሪስቶሲ ወሳ ኬሳስ ሁጫ ጊዴይሳዳ አዚኒካ ባ ማቹስ ሁጫ። ቃሲ ኪሪስቶሲ ባ አሳቴሲ ጊዲዳ ወሳ ኬሳ አሽይሳ። 24 ሺን ወሳ ኬሳይ ኪሪስቶሳስ ሃሬቴይሳዳ ማቹቲ ባንታ አዚናታስ ኡባባን ሃሬታናው ቤሴስ።

25 አዚናቶ፥ ኪሪስቶሲ ወሳ ኬሳ ዶሲዲ ባና ኢው ኢሚዳይሳዳ ሂንቴካ ሂንቴ ማቹታ ዶሲቴ። 26 ኢ ወሳ ኬሳ ባ ቃላ ባጋራ ሃላን ሜጪዲ ጌሺስ። 27 ኪሪስቶሲ ወሳ ኬሳ ቂቲ ወይኮ ሶምዎ ቴሲ ወይኮ ሄሳ ሜላባይ ባይና ኢ ኩሜሳ ቦንቹዋራ ጌሺኔ ቦሬቶናሮ አሲዲ ባኮ ሺሻናው ኮዬዲ ሄሳ አሲስ። 28 ሄሳዳካ፥ አዚናቲ ባንታና ዶሴይሳዳ ባንታ ማቹታ ዶሳናው ቤሴስ። ባ ማቹው ዶሴይሲ ባና ዶሴስ። 29 ባና ኢዲያ አሲ አኒካ ባዋ፥ ሺን ኪሪስቶሲ ወሳ ኬሳስ አሴይሳዳ ባ አሳቴሳ ሙዜሲኔ ናጌስ። 30 ኑኒ ኪሪስቶሳ አሳቴሳ ቢሊቴታ።

31 ወሳ ቃላይ፥ «ሄሳ ጊሾ፥ አሲ ባ አዋኔ ባ አዩው አጊዲ፥ ባ ማቹራ ኢሲፌ ዳና፤ ኤንቲ ናምዓይካ ኢሲ አሾ ጊዳና» ያጌስ።

32 ሃይሲ ጊታ ፀራ፥ ሺን ታኒ ሄሳ ኪሪስቶሳባኔ ወሳ ኬሳባ ሌሚሶ አሳዳ አዳይስ። 33 ጊዶሺን፥ ሂንቴ ኢሶይ ኢሶይ ሂንቴ ማቹታ ሂንቴ፥ ሂንቴና ዶሴይሳዳ ዶሲቴ። ኢሲ ኢሲ ማቻ ባ አዚና ቦንቻናው ቤሴስ።

**6**

**ናይታባኔ ዩሊዳይሳታባ**

1 ናይቶ፥ ሂንቴ ጎዳባ ጊዲያ ጊሾ ሂንቴና ዩሊዳይሳታስ ኪቴቲቴ። ሄሲ ሂንቴው ቤሲያባ። 2 «ኔ አዩውኔ ኔ አዋ ቦንቻ።»

5:16 ቆላ 4:5    5:19 ቆላ 3:16-17    5:22 ቆላ 3:18፤ 1ጴጊ 3:1    5:25 ቆላ 3:19፤ 1ጴጊ 3:7    5:31 ሜዴ 2:24    6:1 ቆላ 3:20



ሄሲ ኡፋይሳ ቃሊ ዴሲያ ኮይሮ ኪታ። 3 «ኔ ሄሳ ፖሊያባ ጊዲኮ ኡባይ ኔው ኢንጂታና፤ ኔ ላይሳይ ሳዓ ቦላ አዱቃና።»

4 አዋቶ፣ ሂንቴ ናይታ ጎዳ ቃላ ታማርሶኒኔ ኤንታ ካሌሶን ዲቺቴፕ አቲን ኤንታና ጫሚሶፒቴ።

**ጎዳታባኔ አይሌታባ**

5 አይሌቶ፣ ኪሪስቶሳስ ኪቴቴይሳዳ ሂንቴ ሳዓ ጎዳታስ ያሻን፣ ቦንቾኒኔ ሱሬ ዎዛናን ኪቴቲቴ። 6 ኤንታ ሲንሳን ሳባ ዴማናው ኤንቲ ቤሲያ ዎዴ 9ላላ አሶሬቴ። ሺን ኪሪስቶሳ አይሌታዳ ያሳ ሹኒያ ዎዛናፕ ፖሊቴ። 7 አሳስ ጊዶናሺን ጎዳስ ጊዲ ሂንቴ ኩሜሳ ዎዛናፕ አሲቴ። 8 አይሌ ጊዲን ዎይኮ ጎዳ ጊዲን ኢሶይ ኢሶይ ባ አሲዳ ሎዎ አሱዋስ ጎዳፕ ዎይቶ ኤካናይሳ ኤሬታ።

9 ጎዳቶ፣ አሳ ሶምዎ ቤሲዲ ማዶና ጎዳይ፣ ሳሉዋን ዴዔይሳ ኤሬታ። ሄሳ ጊሾ፣ ሂንቴ አይሌታ ማንዴይሳ አጊዲ ኤንቲ ሂንቴው ቦንቾን ኪቴቴይሳ ሜላ ሂንቴ ኤንታው ሎዎባ አሲቴ።

**ያሳ አላ ሚሼታ**

10 ዉርሴሳን፣ ጎዳኒኔ ኢያ ጊታ ዎልቃን ሚኒቴ። 11 9ላሄ ጨሙዋ ኤቂታናው ዳንዳዓና ሜላ ያሳይ ሂንቴው ኢሚዳ አላ ሚሼያ ኡባ ማዲቴ። 12 ኑ አላይ አሳራ ጊዶናሺን ሳሎን ዴሲያ ቱና አያና አላንቾታራ፣ ማታ አዋታራ፣ ሃሬይሳታራኔ ሃ ዱማ አላሚያ ዎልቃታራ።

13 ሄሳ ጊሾ፣ ኢታ ጋላሳ ቴቃናዉኔ ኡባ ፖሊዲ፣ ሚኒዲ ኤቃናው ሂንቴ ዳንዳዓና ሜላ ያሳ አላ ሚሼታ ኡባ ማዲቴ። 14-15 ቱማ ዪሳን ዳንጮዳ ዳንጨዲ፣ ዪሎቴሳ ፁናሬዳ ቲራን ዎሲዲ፣ ሳሮቴሳ ዎንጌላ ሂንቴ ቶሁዋን ጫማዳ አሲዲ ሚኒዲ ኤቂቴ። 16 ሄ ኡባሬ አሲዲ፣ 9ላሄይ ዩዲያ ላዪያ ታማ ዶንጌ ኡባ ቶይሳናው ዳንዳዲያ አማኑዋ ኡባ ዎዴ ጎንዳሌዳ አይኪቴ።

17 ያሳ አቶቴሳ ቢራታ ባርኔ9ዳ ሂንቴ ሁዔን ዎሲቴ፤ ቃሲ ጌሻ አያና ማሻ፣ ኢካ ያሳ ቃላ አይኪቴ። 18 ዎሳ አጎሬቴ፤ ሃራታስካ ጋናቲቴ፤ ኡባ ዎዴ አያናን ዎሲቴ። ሄሳን፣ ጌሻታስ ሳሌቶና ሚኒዲ ኡባ ዎዴ ዎሲቴ።

19 ታኒ ዎንጌላ ፁራ ያሺ ባይና ቆንጨሳዳ አዳና ሜላ ያሳይ ታው ቃላ ኢማና ሜላ ዎሲቴ። 20 ታኒ ሄሳ አላናው ኪቴታስ ሃዲካ ቃሾን ዴዔይ ሄ ዎንጌላ ጊሾሳ። ያኒያ ጊሾ፣ ታኒ ያሺ ባይና ቤሴይሳዳ አዳና ሜላ ታው ዎሲቴ።

---

6:2 ኪሳ 20:12፤ ዛሬ 5:16 6:4 ቆላ 3:21 6:5 ቆላ 3:22-25 6:9 ቆላ 4:1፤ ዛሬ 10:17፤ ቆላ 3:25 6:14-15 ኢሳ 11:5፤ ኢሳ 59:17፤ 52:7 6:17 ኢሳ 59:17

**ወርሱላ ሳሮሶ**

<sup>21</sup> ታኒ ዋና ዴዲያኮኔ አይ አሲያኮ ሂንቴ ኤራና ሜላ ኑ ሲቆ ኢሻይ፥ ጎዳ አሱዋን አማኔቲዳ አሳንቾይ፥ ቲኪቆሲ፥ ታባ ኡባ ሂንቴው አዳና። <sup>22</sup> ኑኒ ኡባይ ዋኒዲ ዴዲያኮ ሂንቴው አዳና ሜላኔ ሂንቴና ሚንሴላና ሜላ ታኒ ኢያ ሂንቴኮ ኪታስ።

<sup>23</sup> ያሳ አዋፕ፥ ጎዳ ዩሱስ ኪሪስቶሳፕ ሳሮቴላይኔ ሲቆይ አማኖራ ኢሲፌ አማኒያ ኡባስ ጊዶ። <sup>24</sup> ኢርዖና ሲቆን ኑ ጎዳ ዩሱስ ኪሪስቶሳ ሲቂያ ኡባራ ያሳ አዶ ኬሃቴላይ ጊዶ።

**አራሳ ጫቁዋ ጎፋሉ**  
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

